



UNIVERSITÄTS-
BIBLIOTHEK
PADERBORN

Universitätsbibliothek Paderborn

Eusebiu Tu Pamphilu Ekklēsiastikē Istoria

Eusebius <Caesariensis>

Mogvntiae, 1672

Caput XI.

urn:nbn:de:hbz:466:1-14478

tur, qui ab Episcopis ob certas causas absentibus missi fuerant ad Synodum. Quod autem Baronius ducentos Antistites huic Concilio interfuisse scribit ex libro primo Augustini adversus Parthenianum cap. 5. in eo manifeste halucinatur. Neque enim de Arelateni Concilio ibi loquitur Augustinus, sed de Concilio Romano: cui non ducenti, sed novemdecim tantum Episcopi interfuerunt, ut inter omnes constat. Quare apud Augustinum pro 200. scriendum est 20. Frustra etiam idem Baronius censet desiderari nomina multorum Episcoporum, qui Arelateni Concilio interfuerunt: atque inter hos nomina duorum ex Sicilia Episcoporum, quos juxta mandatum Constantini, Chrestus Syracusano-rum Episcopus secum perduxit ad Synodum. Quasi verò Imperator Constantinus præcepit Chresto, ut duos secum Episcopos adduceret. Extat certe Epistola Constantini ad Chrestum, qua Constantinus ei permittit, ut duos secundi loci sibi comites adsumat: quod de presbyteris intelligendum esse, in annotationibus nostris ad Eusebium librum decimum fuso demonstravimus. Nec tamen Chrestus facultate ad Imp. sibi concessa uti voluit, sed unum duntaxat Diaconum sibi comitem elegit; seu quod presbyterorum præsentia ac ministerio carere Ecclesiam suam nolle; seu ob aliam quamquam rationem. Quod verò ad Constantium ipsum attinet, existimavit quidem Baronius cum Arelateni Concilio interfuisse. Sed cum nemo ex veteribus, ac ne ipse quidem Augustinus, quitamen de hoc Concilio sepiissime locutus est, id unquam affirmaverint, non possumus Illustrissimo ac doctissimo Cardinali assentiri. Certe ex Epistola quam Constantinus scripsit ad Episcopos post Synodum Arelatensem, manifestissime colligitur cum Synodo non interfuisse. Scio quidem Baronium suprà memoratam Epistolam retulisse ad Synodum Romanam. Verum certissimis argumentis paulo ante à nobis demonstratum est, hanc Epistolam Constantini ad Arelatense Concilium pertinere. Quod si Imperator huic Synodo interfuerit, quoniam modo ausi fuissent Donatisti ab ejus Synodi sententia ad Imperatoris judicium provocare. Quid enim hoc alii erat quam ab Imperatore ipso appellare?

C A P U T X.

Congregati igitur Episcopi in civitate Arelato, Calendis Augusti, Volusiano II. & Anniano Coſſ. anno natalis Domini 314. primò quidem causam Cæciliiani discutere cœperunt. Duo criminū genera objiciebantur Cæciliano, quorum alia ipsum Cæcilianum, alia ordinatores Cæciliiani pulsare videbantur. Arguebatur enim quod cùm esset adhuc diaconus, iuſtu Menurii Carthaginensis Episcopi ad limine carceris publici, in quo martyres vinciti erant, cum loris & flagris & armatorum multitudo flans, alimenta martyribus afferri prohibuſſet. ut scribit Augustinus in Breviariorum collationis tertiae, & Donatista quidam in historia passionis Sanctorum Dativi, Saturnini & sociorum. Alterum crimen erat, quod à traditoribus sacrorum voluminum ordinatus fuisset Episcopus. Verum Episcopi qui ad hujus causa judicium converabant, cùm accusationem illam & probationibus

A & omni ratione destitutam viderent, accusatores ipsos prout in Synodo Romana factum jam fuerat, partim damnarunt, partim repulerunt. Quibus peractis, antequam singuli ad sedes suarum reverterentur, visum est ipsis quædam ex communi consilio decernere, quæ & præsenti rerum statu accommodata, & in perpetuum utilitatibus Ecclesiæ essent profutura. Eos canones una cum Gesta Concilii ad Silvestrum Papam transmisserunt, ut per eum, quippe qui Apostolica cathedra principatum obtinebat, reliquis Ecclesiæ innotescerent. Scriptæ sunt etiam ab iisdem literæ ad Constantium Imp. quibus Gesta Ecclesiastica, datumque inter partes judicium, & obstinatam damnatorum pervicaciam ei significarunt. Nam post autoritatem judicij Episcopalis, multi ex parte Domini damnata pristinâ dissensione, cum Cæciliano in concordiam redierant. Quidam verò pertinacissimi ac litigiosissimi, ab Episcopali sententia ad Imp. provocaverant, ut ait Augustinus in Epistola & Quo nuntio accepto, Constantinus tantopere commotus est, ut in Epistola quam rescripsit ad Episcopos adhuc in urbe Arelato confitentes, acerbissime eos homines detestatus, officinam diaboli eos vocare non dubitarit. Milites etiam ac Tribunos è palatio suo misit, qui nefarios illos homines ad Comitatum suum perducerent; malum iisdem minitans, nisi quamprimum resipuerint. Sed & literas dedit ad Vicarium Africæ, ut quicunque ejusdem insanit ac furoris concilii in illis partibus essent depræhensi, sub idonea prosecutione statim ad palatium suum mitterentur. Interim verò Episcopis apud Arelatum residentibus præcepit, ut patientiam nihilominus adhiberent, data schismaticis adhuc optione eligendi utrum malent. Ac si quidem eos in eadem velania perseverare animadverterent, protinus ad proprias sedes singulis reciperent. Hac Constantinus in Epistola ad Episcopos. Ex quibus perspicere potest, quā prolixa fuerit lenitas ac benignitas Imperatoris Constantini, qui effrenatæ mentis hominibus, altero jam Episcoporum judicio damnatis, dilationem adhuc à Sacerdotibus dari voluit, ita ut si ad pacem & unitatem Ecclesiæ redire vellent, integrō statu sacerdotiū susciperentur. Sed interdum plus nocet lenitas quam severitas; dum improbus quicunque, principis clementia non tam ad emendationem provocatur, quā ad maiorem licentiam impellitur. Atque idcirco maxime Imperium Constantini plerique reprehendendum putarunt, quod adversus improbos homines, multorum & gravissimorum facinorum reos, nimis clementer ageret Imperator, ut in ejus vita notat Eusebius.

C A P U T XI.

Dum hæc in Galliis geruntur, in Africa causa Felicis Aptungensis Episcopi ab Eliano Proconsule discussa est. Nam cum Donatisti de Synodo Romana frequentissimè conquetti essent apud Imperatorem Constantium, affutarentque non omnem causam illuc ab Episcopis auditam fuisse. Neque enim de Felice & reliquis ordinatoribus Cæciliiani, quos Donatisti traditionis reos esse dicebant, inquirendum esse censuerat Mil-

tiadis: Imperator omnem criminandi ansam ipsi volens adimere, mandavit Vero agenti Vicariam Praefecturam per Africam, ut de crimine traditionis quod Felici Episcopo objiciebatur, diligenter inquireret. Sed dum Verus iussionem principis exequi aggrederetur, in difficultem ac diuturnum morbum incidit. Quare Aelianus Proconsul Africæ, mandato Principis partes Vicarii agendas suscepit, & negotium Felicis ad examen & jurisdictionem suam revocavit. Inductus est in judicium Claudius Saturianus, seu Saturninus, ut vocatur in Epistola Constantini ad Probianum, qui fuerat curator civitatis Aptungensem tempore persecutio- nis, id est, Diocletiano VIII. & Maximiano VII. Coss. ut ex gestis municipalibus, quæ ab ipso confe- ta erant, eo quem dixi anno, perspici posset utrum Felix Episcopus Aptungensis sacros codices cre- mandos tradidisset. Exhibitus etiam est Calidius Gratianus, Curator ejus anni quo quæstio agitabatur, ut scilicet aucta municipalia superioris temporis Magistratum in judicium afferret. Hic Calidius Junior vocatur à Constantino in Epistola ad Pro- bianum; ad distinctionem scilicet Calidii Saturiani seu Saturnini. Ita enim legendum est in Optati lib. 1. Præter hos exhibitus est in judicio Superius Stationarius, Solon servus publicus, & Ingentius Scriba, & Alsius Cæcilius, qui fuerat Magistratus seu Duumvir municipii Aptungensem tem- pore persecutionis. Idcirco autem inductus est Sta- tionarius, quod cum Christiani cogerentur à Cu- ratoribus & Magistratibus scripturas tradere ex præcepto Imp. milites secum habere solerent & Officiales; Centuriones videlicet ac Beneficiarios, ut patet ex Epistola Secundi Tigiliani ad Mensu- rum, quam refert Augustinus in Breviario. Male in Optati libro *superstationarium* legitur confusis vocibus, cum scribendum sit *Superius Stationarius*. Male etiam in Epistola Constantini ad Probianum quam refert Augustinus in libro 3. contra Cresco- nium, legitur *Superius Saturianus*. Rectius in Epi- stola 68. ejusdem Augustini *Superius Centurius* no- minatur. His omnibus quos supra memoravi ad instructionem causæ Felicis exhibitis in judicio Proconsulari, Aelianus Proconsul cognitionem exorsus est. Lecta sunt primò Acta municipalia. Introgati Saturninus & Calidius Junior Curato- res, & Superius Stationarius, & Cæcilius Duum- viralis. Ex quorum responsis ac professionibus, Felicem Episcopum integrum esse constituit à traditione sacrorum liborum. Ingentius vero Episto- lam Cæcilius & Acta Municipalia falsasse con- victus, in carcерem missus est, ut artiori interrogatio- ni servaretur. Extat sententia Aeliani Pro- consularis in libro 1. Optati, & in Gestis purgationis Felicis, quæ ex Appendice Optati jamdudum edidit Papirius Massonus. Sed dolendum est maxi- maxam partem horum Gestorum Proconsularium temporis injuria periisse. Desideratur enim pars prior, in qua Acta Municipalia & interrogatio- nes ac professiones Curatorum ac Stationariorum con- tinebantur. Porro Aelianus Proconsul causam Felicis audiuit, Volusiano & Anniano. Coss. quinto- decimo Calendas Martias, id est, post menes ferme quatuor à judicio Miltiadis, ut scribit Augustinus

A in libro ad Donatistas post collationem. Quod ta- men non ita accipendum est, quasi eo ipso die causa terminata ac judicata sit. Neq; enim intra unius diei spatum, tot Gestorum documenta perlegi, tot per- sonæ interrogari potuerunt. Quare necesse est, ut in plures dies protracta sit tantæ causæ cognitio. Cer- te in Gestis purgationis Felicis, Cæcilius Duum- vir auditus dicitur esse ab Aeliano, Volusiano & An- niano Coss. 13. Calendas Septembres, id est, sexto mense post judicium inchoatum. Nam ob necessita- tes publicas & provinciæ negotia, ut credibile est, hanc quæstionem intermisserat Aelianus. Cum ergo dicit Augustinus, causam Felicis ab Aeliano auditam fuisse 13. Calendas Martias, intelligere debemus tunc primū audiri cœpisse. Ut cum idem Augustinus eodem in loco scribit Miltiadem judicasse 6. Nonas Octobris, Constantino ter & Licinio ter Coss. intelligendū est eo primum die judicium de causa Cæci- liani coram Miltiade habitum fuisse. Triduo enim tunc actum est, ut supra docui ex Gestis collationis Carthaginensis. Proinde parum necessaria est Baro- nii emendatio, qui in Gestis purgationis Felicis, Ca- lendas Martias restituit pro Calendas Septembribus. His confessis, Aelianus Proconsul relationem misit ad Constantinum cum Actis Proconsularibus apud se habitis. Hæc quidem Aeliani relatio hodie non extat; sed ejus mentio fit in Collatione tertia Car- thaginiensi cap. 559. & apud Augustinum in Breviario. Constantinus quoque in Epist. ad Probianum, A- cta Proconsularia in negotio Felicis Episcopi ab Aeliano ad se missa esse testatur. Porro quodait Augu- stinus in lib. 2. Retractionum cap. 27. abolutionem Felicis præcessisse abolutionem Cæciliiani, id intelligendum est de secunda ac tertia Cæciliiani ab- solutione; non autem de prima, qua absolutus est in Concilio Romano. Nam Augustinus in eo fallus fuerat, quod abolutionem Felicis post judicium Con- stantini Imp. quo absolutus fuerat Cæcilius, feci- tam esse crediderat. Quem quidem errorem suum re- tractat etiam in cap. 34.

C A P U T XII.

Finito Arelatenſi Concilio, Donatistæ qui ad Imperatoris Comitatum perducti fuerant, ut ob appellationis suæ contumaciam plecerentur; par- tum per se, partim per suffragatores quos in palatio habebant, Imperatorem interpellare non de- sisterunt, ut ipse inter partes judicium deprome- ret. Quod cum initio averstus esset Constanti- nus, sicut ipse testatur in Epistola ad Episcopos Synodi Arelatenſis; tandem continuis Donatista- rum aditionibus, & adulotorum quorundam con- filiis cessit, ut rem Episcopali judicio terminatam ipse laicus denou retractaret. Ac primo quidem Cæcilius ex Africa accersere decreverat. Postea, vero mutata sententia, Episcopos partis Donati in Africam reverti jussit, ut illic juxta postulationem ipso- rum, causa omnis quæ ipisis adverius Cæcilius com- petebat, ab amicis seu judicibus ab ipso Imp. delectis adiurari ac terminari posset. Verum Constantinus pau- cos post dies mutato consilio, Cæcilius potius ex Africa evocare constituit, ut ipse præfens causam inter partes judicaret; veritus scilicet, ne si ab aliis ju-

pp ij